

王文安公詩文集

尚書王陳安公傳

朝請大夫贊治少尹南京國子祭酒四明

公諱英字時彥別號泉坡其先太原人祖宗達宋迪功
郎仕于臨川遂家金谿曾祖頤貞元季以書經魁江右
入國朝退隱于家祖子岱父脩本並以儒行稱母曾氏
公生十一歲而失怙母淑人以教以長遊藁邑庠刻苦
嗜學登永樂甲申進士第時

太宗文皇帝方銳氣育才命翰林學士解縉選進士類秀
者與狀元曾棨等通得如二十八宿之數俾盡讀文淵
閣古今書作爲班馬韓柳歐蘇文字命狀官日給珍饌

月賜燈油之費數召至便殿問以經史諸子故實或至
抵暮方退公在二十八人之中每爲儕輩所推讓後
上以綸綍事重以公與令家宰王直皆慎密可委任並揀
入秘閣書進呈機密奏疏歲戌子預脩

太祖高皇帝實錄丁亥授翰林脩撰扈蹕巡狩北京丙申
陞翰林侍講戊戌實錄成賜襲衣綵緞鈔錠壬寅胡寇
犯邊二月

上親征公扈從至闊巖兎海五月旋師過威虜鎮李陵城
已四十里

上召公曰聞李陵城有石碑可往視之復遣錦衣衛官校

隨之以行時城中被虜殺掠燒毀一空惟城北門有石
出尺餘掘土拭磨觀之額曰孝陵臺驛令謝君德政之
碑其文畧可讀其陰刻達魯花赤等官姓名明曰公備
奏其故

上曰此碑既鐫有韃靼姓名異日胡虜見之必以此地爲
己物爾宜再往擊碎之用火煨沉之於河以絕其爭端
公如旨而往既還奏

上喜謂公曰秀才是二十八人讀書者朕需爾爲用正好
宣力勿憚勞苦因問曰朕率師伐虜爾試言成功如何
公對曰胡寇犯邊罪在不宥但聞天兵親征必遠走漠

地遠願陛下幸毋入險窮追也

上笑曰朕爲天下國家計秀才之言惟不欲窮兵黷武耳
復謂曰凡軍中一切動靜或謠言之類爾有所聞卽來
密奏又諭太監孟麟曰秀才有事卽令人見毋阻六月
上駐驛安平鎮立功官軍因有過不與口糧者多相聚悲
泣曰吾等糧盡必死道路矣公以爲言且曰此皆壯士
也願陛下宥其過而與之恩則異日必得其死力

上悅卽命兵部尚書李慶人給口糧并載衣甲驢一疋甲辰
上復親征胡虜還次榆木川晏駕時

仁宗皇帝在東宮命尚書蹇義夏原吉學士楊榮楊士奇

侍讀王直與公同定喪禮議國政宿內閣凡七日

仁宗皇帝嗣位加恩賜白金綵緞八月進秩侍講學士尋
陞右春坊大學士兼翰林侍講學士明年乞歸省賜鈔
二千緡俾馳傳而還

宣宗皇帝即位嘗召入便殿謂曰洪武中學士有宋濂吳
沉朱善劉三吾求樂初則解縉胡廣俱有重名今汝當
講經史陳道義以啓沃朕心罔俾前人獨專其美賜內
醢及鈔千緡命入內閣參預中秘書奏乞分俸養母于家
上允其請宣德庚戌脩

太宗仁宗兩朝實錄成賜白金綵幣襲衣陞詹事府少詹

事兼翰林侍講學士復賜金相璫珀麒麟帶壬子正月
聞太淑人魯氏喪

上命禮部賜祭工部造墳遣中官阮童護公奔喪冬十月
奪哀還朝寵遇日隆不時召對正統間開經筵公爲講
官陳說詳明於文義之外多有規諫之語其講章於退
朝之際人爭求去以爲珍寶脩

宣宗皇帝實錄與少師楊士奇楊榮同爲總裁實錄成賜
白金百兩絲緞鞍馬進秩禮部左侍郎兼翰林侍講學
士癸亥正月奉旨出理部事講官如故乙丑泐江台寧
等府民遭疫死甚衆

上遣公齋香幣往祀南鎮以禳民瘼時淞間久旱公至紹興大雨水深三尺灌獻之名雨止星見明日又大雨田野沾足人皆喜曰此侍郎雨也布政使孫原貞等陪祀請作御祭感應記刻石于廟而還丙寅公奏涼師去冬少雪今年自春徂夏雨澤不降種不入土小民缺食此皆臣等政事不脩激怒上蒼所致伏望陛下施賑恤之恩臣等宜益省愆戒飭仍乞齊沐祈禱以格天心上從其言果大雨五日先是公奏請致仕不許至是年七月復上章乞罷政吏部言公精力未衰上是其言不允戊辰八月

上壽旨陞公南京禮部尚書明日謝恩畢內傳旨曰上以
卿炎仕先朝多効勤勞陞秩南京俾得安佚既視事南
京三年得疾而終是爲景泰元年五月十七日也春秋
七十有五計聞


上悼惜賜謚文安命禮部賜祭工部造墳公在翰林屢爲
會試考官海內名士多出門下爲文章典贍

朝廷制作經其筆居多四方求金石銘誌碑記者接踵其
門公酬應不倦詩歌字書人罕能及

論曰撫州多名儒顯官若陳之晏殊王安國元之吳
澄虞伯生諸君子其文章名位功業皆炳然當世而垂

耀竹帛者豈偶然哉玉笥寶蓋諸名山秀氣之所鍾也
公亦撫之人也其文章名位功業莫不相似然自入仕
歷官通顯不離朝廷四十五年而

列聖眷遇久益不衰於此則似過之矣天之生賢何獨私
於撫之人哉抑孰知公之才德自足致身於青雲之上
也



題王徵仕竹亭

大祀南郊

霽月樓

卷第二

七言古詩

元夕分題賦得紫陌笙歌

送胡學士扈從北征歌

胡貞婦歌

畫虎歌

畫井歌

清風軒歌

陳所翁墨龍歌

題陳璉憲使畫山水歌并書以寄

趙魏公畫馬歌

郭純畫鶴歌

雲松軒歌

商山四皓圖

橘井圖

立氏三節祠

送吳太僕還滁州

送彭秀才太將軍英公征交趾

夜過徐州

玩藻軒歌爲鍾鼎賦

渾城過鴈歌送蕭使君

賜觀燈午門應制

題韓滉畫田家移居圖

溪山秋意圖

臨高臺送錢僉事入關中

欽和御製元夕觀燈詩

送少師建安楊公還鄉省墓

海天高興圖爲王太守作時太守已故矣

丁氏松月軒

題襄城侯江山遠趣圖

徐太守墨梅歌

瑞鳥

崇親堂詩

卷第三

五言律詩

早春侍內廷觀朝廷明盛恩澤滂沛謹賦四詩

望鍾山

扈從晚宿夾溝

露筋女廟

題酌泉齋

出正陽門望方山諸峯

贈崔將軍

暮過倪氏草堂

贈周道者

贈伍子正還嶽山舊隱

贈長安少年

夜泊淮河北岸

贈邊將

送金諫德扈從征虜四首

贈南山上人

送許子謨赴北京

選張生

憶田園

夜宴

酬王尊師仙遊四首

送楊秀才

泛舟河上二首

新秋有懷二首

新春朝中作

題龍氏龍州書館

送實上人還山

挹秀軒

故太守胡公來人吳氏挽歌四首

沈學士挽詞三首

哭史葯房先生

梁州八景

吳莊新治

博陵舊治

東鹿晴嵐

潯池春漲

凌霄臺藹

蕪菱夕照

房淵飛燕

衡水歸鴻

元日朝回奉呈院中諸公三首

舟行雜興二十首

元夕昇平詞十首

太宗文皇帝挽詞六首

仁宗昭皇帝挽詞四首

登湖口石鍾山上閣

登石鍾山下閣

經懷來馬上作

贈張生

趙壯尚書挽辭二首

扈從夜宿利國監驛次汝器韻

聖德瑞應詞十首

扈從度龍門作

賦白雲送康生歸省

九竹軒爲曾侍講賦

賦瀛海歸潮送蘇中書歸閩

賦錦袍送鄭郎中還盱江

扈從東苑閱武應制

再遊楊鴻臚東郭草亭

送劉鼎御史巡按交趾

玉峽書堂

卷第四

七言律詩

寄和陽之宜早春侍宴朝回之作

三月初一日殿試承恩賜膳

賜五色菊應制

立春宴梁侍讀宅分韻得絲字

送南康翁教授赴任德安

送陳郎中重使西域

送楊都指揮出塞

題查氏東谷隱居

送汪生別其兄南歸

阿魯台受封後遣其幼子入侍

送林侍講第崇信赴泉州訓導

進士楊勲自洛回與用中諸公薄暮見過有作蕙簡雅言教授

寄張真人西壁

龍武岡有召

自瀾藥海移師東行

至兀良哈

城南寓居

寄徐氏許氏二妹

端午日賜觀射柳二首

送陳洽尚書拜命同大將軍英公出鎮交趾

南昌即興和項御史二首

送胡直敬方下第還家

和素庵侍講對雨詩

直禁中次韻

題梁贊善南齋

七言絕句

題群雀圖

題鏡中墨梅

題雪天蘆雁圖宋王熙所畫者

小池

題畫四首

病起

題魯侍講雲山圖

舟過高郵

題胡人獵歸圖二首

贈能書胡昂二首

題洛神圖

題綠鷺圖

題西墅學士家畫竹幃二首

題畫

青山飛瀑圖

劉道士南陽舊隱

梨花鳴鳩圖

菴從曉發東葛城二首

淮安別回御史

辛安渡和舟人擢歌三首

題淵明歸去圖

王荻安公文集目錄

卷第一

序

登高詩序

戴氏族譜序

送學士蘭公致仕詩序

送徐僉事赴任詩序

送王副使赴山東序

姓源珠璣後序

送潛副使序

送陳知縣之常山序

送劉知縣還晉江序

送陳用謙還鄉序

送鄧從赴南寧河泊序

送尹循御史還南京序

送驛令王瓚赴任序

東郭草亭宴集詩序

彭御史挽詩序

送周學士赴南京詩序

故醫士徐先生挽詩序

送張知縣還任序

送太學生王秉淵南京序

立春日讌集詩序

送太學生王宇直序

卷第二

序

送鄒郎中赴南京詩序

送太守赴汀州序

送熊弘毅還金谿序

黃氏重修族譜序

送詹知縣還寧德序

雲林鍾秀圖詩序

陳氏族譜序

送袁忠敷還寧波詩序

金谿重修縣志序

送危縣丞復任序

送劉學正赴泰安洲序

李紹白決別詩序

送陳致中赴清澗縣教諭序

徐先生遺詩序

送虞士壽詩序

送黃知縣赴任詩序

薊門送別圖序

送顧僉事赴江西詩序

觀風事畧序

桃林書屋詩序

望雲詩序

送張博士序

崇陰八景詩序

送按察使李公赴江西序

故少師工部尚書贈太師楊公挽詩序

送金少卿還姑蘇序

吉水錢氏族譜序

職方周先生詩稿序

會試錄序

送傅知縣詩序

桂氏族譜序

卷第三

記

重修泰州儒學記

雷公廟禱雨記

大明重建南嶽廟記

重修西安府學記

愛竹軒記

重修絳州儒學記

遺安生遺像記

水木青華亭記

莊氏水竹居記

環碧堂記

雙桂軒記

梧竹隱居記

順德堂記

靜學齋記

明谷書堂記

蒲塘書屋記

遣祭感應記

王氏鍾秀堂記

承恩堂記

青峯書屋記

雍睦堂記

翠微樓記

石門寺記

龍池書館記

進士題名記

崇德縣重修儒學記

王氏祠堂記

重修蔡涇記

東山小隱記

吉水泥田周氏祠堂記

環碧樓記

觀德亭記

卷第四

碑銘

贈禮部員外郎吳公尚文合葬銘

孺人陳氏墓誌銘

故鄭母太夫王氏墓碑銘

故處士蕭君墓誌銘

故將軍前北平都指揮僉事武公墓碑銘

故徵士劉君令聞墓誌銘

故趙母太宜人鄧氏墓誌銘

故徵士葛君夷簡墓誌銘

贈奉政大夫越王府左長史程公墓碑銘

故永豐陳處士墓表
曾子唯墓誌銘

故吏部文選主事劉公士哲墓銘

故刑部左侍郎樊公墓道碑銘

故明威將軍金吾後衛指揮張公墓誌銘

故徵士黃公墓誌銘

卷第五

碑銘

道錄司左正一吳公墓誌銘
彭城伯張公墓誌銘

浙江僉事劉公墓誌銘
鄧宗器先生壽藏銘

故陳處士墓誌銘

故處士張君墓誌銘

故昭勇將軍指揮使陳公暨恭人張氏墓碑銘

教諭吳君墓表

故給事王君仲恒墓表

故黃君士美墓誌銘

周先生子用墓表

故華處士墓表

贈僉都御史李公暨太恭人合葬墓銘

贈刑部主事梁公墓誌銘

刑部右侍郎陳公墓碑銘

故通議大夫工部右侍郎羅公墓碑銘

故怡澹先生墓表

封刑部主事何君墓誌銘

故昭勇將軍上輕車都尉山東都指揮僉事趙公墓碑銘

故處士徐習先墓誌銘

故處士周伯義墓誌銘

故處士曾公敬中墓表

卷第六

雜著

書黃節婦傳後

跋胡尚書輯錄醫方後

恭題御書後

書讌集圖後

郭弘郭毅字說

跋讌會詩文後

書四明袁氏族譜後

書袁鏞死節傳後

書方尚書所藏朱夫子墨蹟

靜庵先生傳

九華樵者傳

竹軒劉先生傳

小瀛州賦

獅子賦有序

退思齋賦

襲封衍聖公賀表

謚議

金鑑新學詩

元翰林學士承旨危公畫像贊 尚書劉公畫像贊

章處士畫像贊 陳思孝畫像贊 古朴子贊

王將軍畫像贊 王秉材畫像贊 雪崖先生哀誄

故彭汝器誄 吊陳先生文 梁先生哀辭

祭太學士胡公文 侍講王先生哀辭

詹績尚志兄弟字說 十八學士圖引

王文安公詩集卷之一

男祐編集

五言古詩

雜詩三首

庭中多嘉木枝葉相蔽虧
上有雙飛鳥朝出暮還歸
和鳴相顧乳哺得所依
如何遠遊子泛泛東復西
昨來京洛間今赴北海涯
迢迢歷崇坂車輪行且遲
垂堂古所戒寧不悲路岐
私懷諒勿念但悲歲月馳
顧此三嘆息良會在今時

其二

秋月流光彩照我西南園
露華含餘滋衆草華以繁
道

聞多鳴蛩竟無何喧喧聞聲有佳介恍默獨無言豈不
興遠懷念彼君子思昨朝相嬾婉今者隔塞垣飛鴻失
其侶噉噉徒高騫顧眄失形影中心誓弗諼願如團圓
月照君車上轅

其三

清晨登高丘迢迢望郊郭連山起層甍焜燿皆丹雘歌
吹一何繁車馬日聯絡翩翩遊俠兒姿態紛綽約輕裘
巧粧束珠貝相間錯侈心儼金張壯志凌衛霍豈知幽
閨中居者恒寂寞掩形無完衣充饑有藜藿貞心益自
厲容色日銷落塊然獨囂囂甘爲所衆薄

經靈壁行野中作

驅馬歷長坂迢遞上高原
荒野何蕭條蔓草與荆榛
道逢一老人悲慨爲我言
家本盱江住百口事田園
自從徙居此綿歷十寒暄
往時被兵革死者盡嗸冤
遺軀幸未殞感激荷天恩
我聞重悽惻欲去更回旋
四望飄風起孤兔泣我前
悲歡嘆人事淚下忽如泉

臘日賜宴後車駕待于近郊有作四首

重陰霽嚴冬臘候戒芳旦
初賜麗晨光禁闕餘寒散
賜酺開廣筵酌醴泛瑤琰
獻酬終以三大禮敬而簡
臣工再登歌金石韻相間
因詠既醉章夷猶頌雲漢

其二

應侯協靈祉垂慶在天
審聖情靡逸豫順此時
令嘉駕言巡原野列帳
櫺高牙既欣百物萃輶
輶非所加三驅肅有慶
萬衆歡無譁追彼岐陽
蒐安事上林李

其三

群醜斯大獲委載在中
厨肅將薦明祀蜡享禮
何如昭茲古遺典所以
報其初淵淵伐我鼓嘒
嘒吹笙等神懌乃戾止
福澤沛有餘永眷

明主德以庇生民是

其四

昏中尚在壁斗柄將指寅

皇恩及時物歲終息萬民大難逐衆厲緩獄昭至仁擴此
天地化以迓歲事新叨榮一何幸休沐在茲晨申章頌
明德肅穆望嚴宸

登北門外古城

朝出北門道下馬登古城循步歷幽險墉堞半欹傾其
陰何蒙密蔓草與榛荆野鼠時出沒孤狸亦悲鳴騁懷
忽悽惻游目極窅冥群山東際海遠勢與天乎曼絕孤
雲浮渺漠終古情慨茲乃故跡著昔勞經營形勢猶深
兀人事嘆凋零孰云金湯固慎守須競競憑高一長嘯

壯心徒自驚

六賢錄 六賢皆金谿人元時金谿多文雅之士能
謹行誼保名節者六君爲最若待制黃公已載元史
餘皆闕焉乃爲之詠

黃待制諱暉字殷士從學吳文正公以薦爲淮南
行省照磨累陞至翰林待制天兵元都殷士躍井死
待制本儒生素心亦何烈臨危仗孤劍誓死以殉國舊
軀入重泉正氣浩充塞蛟龍爲悲吟天地慘無色殺身
良獨難求仁義斯得

劉集賢諱傑字良甫元壬午進士除新建縣丞宜

陽縣尹奏課爲天下最累陞中臺御史又六遷至
工部尚書集賢學士以數言事擯斥不見用乞骸
骨歸隱宜陽山中未幾元亡

劉公廟堂器制行超群儒屢遷陟華要猷替多謀謨解
組值衰暮款歡返長途金軀效孫容知止儕二疏同時
詠明哲清風其穆如

陳渚州諱介字彥石錄事昇之子也第進士爲渚
州同知元亡易姓名遁歸故山而卒

渚州事文翰景範肅前規一命才未究惜哉時已危悲
懷返故域凝睇掩荆扉薄采南山蕨莫充首陽饑遺生

竟誰待視死乃如歸

葛都事字元哲元戌子進士爲興化路錄事累遷
福建行省都事元末航海上海諭時事不報竟死
都下門人私謚曰文貞先生

文貞尚儒雅探索古聖蜚騰冠群秀久爲幕下英乘
桴重興歎道在時不行慷慨力陳言沉寘獨撫膺未能
效仙尉竊自比仲卿

王博士諱彰字伯達第進士助教國子監博士與
危素魯堅同時相友元亡還鄉里卒

伯達負奇操肅然佩珩璜守官非徇祿蹈世嘆危亡鳳

鳳本靈鳥其鳴待朝陽顏光不足惜振翮千仞岡耻彼
鷄與鶩饒食下翱翔

朱徵君諱夏字元會師事吳文正公文章純雅
麗累薦不仕有鳴陽集傳于世鳴陽所居里也

鳴陽有佳士金玉麗厥躬擔簦從先覺碌碌德彌充
華若利劍揚馬避其鋒懷寶終不售抗志靡他從勉遵
聖師訓固守君子窮

早春黃御史宴集分韻一字

高城臨大道華館耀初日嘉木春始榮枝葉青未蔚上
有雙鳴鳥嚶嚶求其匹感我同心人諧茲素情密張筵

列廣生賓序咸有秩湛爾黃金壘旨酒香且溢烹羔膾
鮮鯉羅列雜棗栗具食誠新慚享德意乃實終焉屢酌
觥既醉禮無失古今重燕飲吹笙鼓瑟琴小子忝末交
受眷常惴慄結歡當合心守道貴純一貽君平生言方
茲履貞吉

袁太常閑居詩次少師姚公韻

志士何矯矯心與浮雲期若彼丹山鳥樊籠安可羈名
雖領華秩跡已謝黃扉守道爲全璞先幾乃知微永諧
平生友皓首同歸四休遂深契五十諒知非誰當繼
三益我意終無違

夢遊華蓋山三首

危峯薄層霄，屹立幾千丈。企望不可攀，凌虛忽飛上。其
陽耀靈光，天路何蕩蕩。綺雲涵朝暎，輕泛餘爽瑤樓。
疏玉櫺，翠殿幕珠網。中生浮丘翁，群仙儼相向。寶書發
瑤笈，太素啓玄象。授我至道言，曠然遺滯想。

三天啓閭闔，七寶羅朱幡。彩霞結飛蓋，丹筆煥雷文。忽
聞靈璫響，天花自繽紛。褰裳緩引步，飄搖凌紫氛。俯視
八極隘，秋毫一畝崙。世人如浮埃，何以長生論。

茂松被廣崖，瑤草含飛翠。周游玩群芳，垂佩何旖旎。太
容先我行，洪崖最後至。手持王母桃，軫琴高鯉相顧。

一長嘯欣欣如有意披我天孫裳爛然五色綺坐我丹
霞屏餌以瑤藥含英馨香發其芳似蘭芷爲言服食
茲引年北松子

五丘老人壽詩

南山何盤盤高與浮雲齊松栢鬱以茂中有鸞鳳栖樂
只此君子矯矯世所遺黃髮垂兩肩方瞳橫素眉飄然
曳長帶輕佩素羅衣嘉晨屆春候陽光麗且熙親友通
相慶列坐俯前墀四面發清唱彈箏復吹篴杯行情弥
至意肅禮無違一飲既屢拜再飲傾百卮奉此千金壽
以爲百歲期仰視徠北星爛然有光輝光輝下臨照福

祿永所晚等彼喬松輩道遙復何爲

徐王墓祠

蔚蔚嘉木秀陰陰覆崇岡高陵起數仞冠劍閼藏神靈
毓厚壤至和昭百祥沙麓表竒瑞仙蒲吐芬芳允符坤
珍秀儲祉久弥昌追惟本原德胙土宜大邦寢祠既宏
麗像設何輝煌祗承告工祝秩祀固有常詩人詠勿替
慶澤垂無疆

贈胡滢給事中遠遊和韻二首

素稟絕氛垢皎然高世姿清機發妙唱變化安可期深
幽想蒙汜朗耀睇咸池婉孌垂華珮凌厲欲何之忽逢

安期生未曉
景馳疑神諧
真趣結好籍
相知若舉
霄翽令我倍嗟咨

丹葩耀陽景
芬芳碧雲間
長衢俯層漢
遙海限三山中
有尋仙侶日夕自忘食
此道如可得相與共追攀

送許生別兄還南京

翩翩遠遊子
靡靡垂華纓
結歡未及終
迴軫駕脩程
分飛懷四鳥
競秀美三荆
陽榮值良旦
惜別申至情
方春茂時澤
運泰陽德亨
君子履大道
行當躋顯明
企遠先自邇
趾卑高乃升
萃和發其體
吐芬揚厥聲
玄晷無停運
容華亦易易
勗哉樹嘉操
勿爲離別嬰

扈從至中都二首

元政失其綱，彞風日已潰。群雄尚虎鬬，海宇亦冥晦。
明我

聖祖陽德與天配，乘時握軌符震耀。開草昧，提劍度長江。
英賢若雲會，南收漢與吳。北取齊魯代，鯨鯢就誅剪。羶
穢息，蕩洒甦我塗。炭民恩若時，雨霈大勲斯。有成八表
視無外，煌煌帝王業。樹德豈在大，殷湯始自亳。漢高起
豐沛，肅穆瞻此都。神靈赫然在

長淮日東馳，衆山驚西馳。重城壯且麗，飛觀高百尺。
聖祖昔臨幸，玉帛朝萬國。誦麒麟歌，大風采威何赫赫。今我

神武君昭哉嗣宸極鑾輿漸陞正祗后森衛翊匪徒事述
豫弘亮大孝德寵禮加耄倪溥及動與息重光益宣朗
繼美諒無斁所慚載屬深抱素食責興言頌王遊麇
歌思戒勅

駕至東平望祭泰山

王禮重巡守秩祀致嚴恭懷柔既溥徧况茲五嶽宗鴻
厯奠深厚靈氣何昭融聿脩精禋薦穆穆達淵衷玉帛
既消潔犧牲滌且豐馨香發明德誠意乃潛通維神斯
愷懌景命自天崇昭昭有申錫萬福集聖躬

出金鄉十餘里溪行與汝敬正安臨流憩詠有作二首

清溪下千尋，窅深且阻碧。草含華滋蒙茸，被巡路解纓。投石磯，息馬蔭其澌。泛泛濯清波，冷冷滌初暑。輕雲燁以舒，鮮颺颺而度。緬彼沂上遊，飄搖正春暮。

時景自熙朗，溪渚一何幽。崇阿隘中沚，迴岬激奔流。露藻紫翠帶，纖鱗泳且浮。忘形肆周覽，恬蕩意所投。衆心役塵累，無乃徒外求。旅泊苟自適，於已庶無尤。

遊白雲觀訪長春宮故址作

以蓬萊山在何處字爲韻

朝旦出南陌，驅車安所從。弭節臨崇坂，逶迤上仙宮。茂松被逕路，古栢蔭高墉。陰森蔽草蔓，辭葉何蓬蓬。廣除既深觀，竊與丹房通。虛明闕霞彩，窓牖煥玲瓏。其中學

仙冠羽化安可逢悵然金遺跡幽思結鴻漾
臨高忽長嘯四顧獨徘徊前有累石云是仙人臺如
荷米千載零落生莓苔冉冉浮雲馳湛湛清淵洄物理
無停機晷度迭相催誰能煉金石百歲返嬰孩
與至情所媚逍遙神自歡自守以恬曠於物庶無患真
真觀大成默默識其端輕煖颯然來清池渙微瀾碧藻
楊華采朱莖照綠顏飄然王喬輩婉孌在緱山一吐瑤
華音再取鳴琴彈餘音何冷冷遠振白雲間
予生懷古初心與玄默會迹聞崆峒仙舉袂寥廓外遙
世形曷存萃美神獨在於斯豈不慕夙稟誠寡昧晤游

斯所從省已思匪懈山高衆土積海百川匯累微功
以成含弘德乃大因茲殊道宣特以冲虛戒

迢迢望原野泚泚走洪河群峯驚西馳遠勢鬱差峩
無巖栖士樂道慕立軻思欲往從之路遠將奈何俯觀
堦下蘭翠葉耀丹葩採以遺所思盈盈別思多山川信
難越歲月亦易過何當展良遊高會凌太華

坐久烈風起翳翳日將暮傍有歸林鵲哀音下何苦感
此獨徬徨悽懷昔遊處荒哉瑤池會邈矣三山路不如
臨高丘舉爵坐茂樹諧茲嫵婉情似與神仙遇飄飄詠
而歸此意在千古

紀聖德詩四首

永樂丙申九月西南夷貢獅象

熊豹與物之類聖訓謂遠物不遠爲寶歷舉前代奢
侈敗亡之事以示警戒恭聽德音寔紀其事

皇天降寶命昭哉帝道昌靈承眷彌重赫奕洪化揚醇和
商萬類八表熙春陽文豹來西壤馴象出炎荒後覩耀
五采熊羆聚靈霜侑以百寶獻孔翠與琳瑯駢然荷
者俯倭皆卉裳稽首林且舞獻貢脩其常惟我

神武君敬恭無怠荒有詔御沸受重彼遠梯航置芝
廷方以厚意償乃知溥恩德豈但此戎羌

赫赫我

聖君明明宣德意競競謹天戒所戒唯奢侈物玩不敢恭
治極安足恃邁灾宜自脩因瑞勿矜美衰徵兆龍警示
警觀雉雉周契非所受秦鹿終竄逝在古有明監往轍
不可履嗟我衆君子敬慎示爾位進言惟格心崇功乃
由志益勵忠與勤庶幾弼予治大哉此謨訓典誥相並
此豈從範當時足以詔萬世

天地蓄寶物神靈秘其輝一朝揚華采珍愛乃所宜大
君守以道欲淨百志熙視物不爲寶垂鑒以爲規居尊
必示朴待著先慎微今我

神聖不玩耳目奇夏后去矜伐商湯儉自時疎雅雕牆

戒有金惜所施紆財豈爲國乃以辜黔黎所愧汝墨迹
受命增惕秣賡歌未能效代擅誠可譏

初日照丹闕高高凌中天卿雲郁紛敷光彩何爛然瞻
依近黼座肅穆抑

聖顏繹繹綸音降朗朗日星懸堯咨舜都俞懿哉道德宣
允符執中訓尚鑒無逸篇豈但不遑食亦且靡遊畋小
臣荷恩眷感激寸心虔朝廷無乖敗書疏復何言願此
慎終此垂法罔後愆

度清流關觀趙太祖馬跡有作

雄關屹層層兩崖踞如虎路逕中詰屈危石抱古樹下

有百丈流驚奔日東注壯哉此山川天爲設險阻南來
障江淮北接齊與魯雖無虎牢隘可儼金城固臨高肆
遐矚眷言懷往古英雄事戰伐赫赫趙宋祖輪蹄載遺
蹤草蔓迷野戍時方際亨泰何事復用武驅馬去悠悠
不待鷄鳴度

觀大將率師南征

帝命重九伐天威肅三軍受脤既成禮啓行戒嚴晨鳴鞘
靜馳道推轂向城闐萬馬逐飛電千旗簸層雲鼓聲何
闐闐殺氣亘蒼旻王師本無敵廟畧今如神專征既有
命密諭在所遵方當厲武事實欲拯斯民青衿先寡弱

軒倅惟不仁邊隅諒清肅振旅行逡巡吉甫有遺範方
叔著歲勲炳耀繼前軌報功在明君

胡祭酒洪崖山房二首

名都壯且麗茲山獨崖嵬斗宿逼陰堅陽光耀高厓飛
雲蔭其下窓牖玲瓏開中有一仙人振策謝浮埃餌以
黃金丹飲以紫霞杯出入乘虛無長嘯去不回翠蘿褰
石林瑤草翳空堦結茅相因依我心何所懷藏書遺子
孫托友種松梅素願乃如此瞻望獨徘徊

巖阿有佳木偃蹇相^枝掇凜然冰霜後翠色一何稠君子
佩金章年高德彌優朝登承明署夕翫壁雍流光儀日

以著素心匪外求樂此桑榆暮眷彼林壑幽朗詠淮南
詞凝思天台遊恬熙固無慮經志在貽謀乃知平生意
曠達亦何憂

送王編脩覺非致仕分韻得千仞二字

躋仕列華要懸車及高年南歸何迢遞道路幾五千般
勤遠相送憶昔重用然先朝多儒碩濟濟列講筵晨星
歎零落歲月屢推遷仰惟儀刑在可以淑後賢復此賦
歸歟旌旆行翩翩臨分謾舉杯叙別且留連

蕭蕭黃葉飛蕭蕭涼風振玄蟬咽斜輝白雁傳霜信飄
搖歸興多曠望家林近汶水澹蕩流螺山起千仞長吟

草堂中金石振清韻况有雙麒麟列侍松才俊聯綵
衣舞激灩金杯進祝壽如喬松歡樂殊未盡

送少傅建楊公扈從巡邊分韻得禮樂二字

治世昭武威時巡重邊鄙高秋灝氣澄吉日九門啓龍
輿斯啓行禡牙肅成禮虎賁踰百萬旌旆亘千里伐鼓
鳴金鉦蕭蕭北風起惟公實師臣機務皆託委承恩扈
仙蹕豈但親黼宸安邊富謀策至化資變理

迢遙雲中城遷迤連朔漠鳴鑾既蒞止將士何踴躍望
風款戎虜入夜無警折閱武因太蒐鼓聲震山岳公惟
效勞勩叅贊侍帷幄獲禽酌大斗萬衆胡不樂鳴銑復

吹簫競奏軍中樂，緬彼車攻詩歌詠。當繼作

題漁父辭劍圖

大江浩茫茫，天險不可踰。臨流者何人，壯哉一丈夫。抱
怨脫楚國，投軀赴東吳。追騎疾若箭，四顧仰天呼。幸濟
漁父楫，馳騁登前途。腰間有寶劍，百鍊出銀鑊。解贈聊
相報，言別敢躊躇。此父何慷慨，無乃避世徒。矯矯凌風
波，取適江與湖。竟辭一劍惠，寧愛萬石儲。返棹忽已去，
飄若水中鳬。世情有離合，朝旦與夕殊。貧賤誰堪托，富
貴各相圖。安知鼓枻者，素心不可污。

壽菊詩 玉堂中採菊一枝，實行儉脩。猗猗兀上踰。

月猶盛開色愈妍麗子謂行儉素履勁直老親以
五馬之貴俱顯于時後凋之操此其徵歟爲賦四詩
飛觀高岑堯葉氣凌戶牖顧此三秋芳枝葉日以茂薄
言採其華馨香蒲懷袖逾時葆貞潔顏色比璚玖乃知
幽淡姿有若仁者壽陽光敷丹榮粲如綺與繡世情豈
不媚爲樂焉能久何如此遺根獨秀零落後永諧素心
人歲暮以相守

嚴霜何凜烈芳蕤益鮮妍盈盈相對間濯濯兩嬋娟若
彼瑤臺姝儷此瀛州仙形神蛻氛濁歸嬰乃自然君子
觀衆物潛默契天淵二氣如橐籥流景倏推遷寄言攝

生者養靜可延年

陶公抱雅素屈子披忠肝
擷英將何如夕飲與朝食曠
哉無滯想清風激世間對此胡不樂爰取鳴琴彈古調
意自適妍華手可攀何必採明月與彼青琅玕

世人慕種德積久乃有成鬱鬱晉公槐旒旒田氏荆懿
此竊露姿曄然自敷榮瞻彼高堂中君子垂百齡腰間
佩金章頭上綴玉纓朱輪導五馬列戟耀雙旌光儀何
煌煌素心唯直誠有若冰霜節傲睨最後零吾聞詩人
詠托物興至情白華表純潔鳧鷖昭盛平君子玩嘉卉
福祿宜所膺

遊翠微山圓通寺詩五首

京都壯且麗西北皆名山翠微獨崔嵬高出霄漢間上有金仙居連峯起巔玩夙聞此地勝未得窮躋攀聖恩賜休暇三日有餘開策馬出西城迢遙睇層岫我友五六人輿軼浮雲端欲登萬仞頂俯視八極寬

經行歷郊墟未覺去路遠方春雪乍消土壤斯沃衍平阜麥已青近圃韭堪剪撫景良可娛茲遊興未淺解鞍暫延佇此意豈云倦行行復振轡磴道依山轉孤塔倚半崖恠石多荒蕪相呼却下馬緩步登絕巘

中峯何壯哉形勢亦險恠鑿崖構禪宮不知自何代棟

宇今再新因舊稍增改青蓮座最高貝葉經尚在時聞
法樂響似有天花墜地幽愜清賞極目窮勝絜天垂遠
海際雲度飛鳥外微茫萬象殊浩蕩乾坤大

僧房既少憩登覽興未終尋幽復東行山逕微可通攀
緣下絕磴鈎衣多棘叢隱隱見石巖香霧晝冥濛登巖
再歷險老衲欣相逢延客煮芳茗坐石倚長松遙聞澗
中水鳴玉聲琮琤覺心境靜萬慮爲之空

龍池波澄澄冬夏清見底其中蟄靈物其上多雲氣傍
有雙古栢枝葉何蒼翠招提正相近輪輳亦寡至徘徊
更周覽幽巖殊慰意揚鞭下峻阪欲去行復止携壺酌

田家劇飲無盡醉歸途且謳吟相戒宜緩轡

陪祀皇陵

肅肅企靈宮冥冥望神馭祠官嚴駁奔涼伯翼禮度嘉
此裡薦誠重慰皇心慕豆遽既以陳登歌間鍾鼓紛敷
祥烟繞恍惚百靈助惕然俯仰間宛若羹牆覩周室崇
三后陟配于帝所維孝斯來響承哉我

聖主繼序今在茲永言嗣神武

大學士楊公朝房對菊二首

退食得休暇肆情匪遨遊直廬公所止於此謾燕休四
壁敞踈櫺中弘若虛舟惟有庭堦下黃花一何稠粲粲

凝曉露亭亭傲素秋公惟愛玩之相與爲好仇
颯颯秋風清芳容淨氛垢興來謾採擷公意良已厚高
歌屈平詞同飲淵明酒所欣合朋簪豈惜酌大斗歡諧
笑詠時禮肅微醉後嗤彼流俗徒此樂殊未有

寄傅憲副克已

持節登外臺懸車返林丘中懷絕塵累安居復何求西
山高巉嶮長見雲霞浮其陽峙華構嘉木一何稠上有
好鳥鳴下有清泉流坐石彈素琴臨湍垂釣鉤心閑意
自適可與仙者儔我慚竊微禄莫獲從公遊徘徊獨南
望悵悅心悠悠

送陳知府分韻得吐字

時雨降初夏微風絛煩暑也荷葉已齊園葵花半吐悵
別惜芳辰携壺聊出祖遙瞻雙旌發遠歷萬里路州人
正相望所願歌五袴去去當疾馳毋令歎遲暮

將進酒送蕭布政

將進杯中酒爲公改離憂願公且酌酒去馬爲少留公
作大藩使位埒古諸侯腰橫文犀帶身披紫貂裘位高
信可樂寵至豈無憂願公且酌酒萬事醉即休人生視
流景駛若川上流昔時俱少壯今者將白頭良友欣會
合何以爲好仇願公忘寵辱持已慎且周庶幾舊忠赤

顯赫宣皇猷再酌杯中酒相與進勸酬酒酣各分袂征
旆行悠悠願公當重來永結霄漢遊

送羅汝寬教官還昭武汝寬侍講汝敬之弟也

麗服振華佩高冠綴長纓肅肅登遠途煌煌趨

帝京良朋遂佳會兄弟喜合弁携手臨玉署飄搖詠紫荆
回轅忽已駕渺邈千里程懷哉日相望何以慰別情托
交誼不薄持鐸任匪輕願此敦懿德師道愈光榮三鱣
有佳兆雙鳳當齊鳴相期振雨翮矯矯凌青冥

巽溪詩爲揚長史賦

南嶺何岌岌下有清溪流滔滔東南注日夕去不休湯

漾經萬折紆迴帶芳洲君子居其澔媚此清且幽早歲
服華寵暮齡載歸舟素懷玩虛澈寓意將焉求願爲溪
上翁泛若水中鷗悠悠百年內皎皎嘉名留

題王徵仕竹亭

達士秉素尚安居薄浮名三徵乃強就一命非所榮長
揖賦歸來逍遙亦何營濯濯澗邊竹蕭蕭林下亭高枝
拂霄漢密葉敷前楹雨露含潤澤風霜起凋零玩此貞
潔姿不爲塵累嬰卓哉有斯人邈矣千古情芳躅諒難
繼我懷其曷勝緬彼陶元亮庶可與並稱

大祀南郊

國興昭矣祀精裡戒首正紫壇廓清肅金枝耀晶熒犧
牲既在滌玄醴亦芳馨郁郁燔烟舉嚶嚶鍾鼓鳴袞冕
嚴對越多士肅祇承帝祇儼在上來享助百靈奠陳秩
有奕禮備斯告成

宸心益疊疊列泉垂冥冥陳詩訴我將頌德仰聖明

霽月樓


王立字宇行吾友宗濬之子進士芳之

弟也好學工文詞別作樓讀書其上暇則憑欄望
遠以適其意嘗致書於予詞雅意厚且求賦霽月
樓之詩自愧老邁且禮文事繁未暇為之而進士
求之甚篤草草殊非盡意耳

高閣倚青漢飛簷跨長衢開窓極遐眺軒敞興有餘
岫橫翠黛層林帶清渠殘陽夕澄霽皓月升太虛光輝
入我懷皎皎如冰壺浩歌更徘徊慮澹神自舒嗟哉子
所樂此樂誰能如何當賦歸來笑傲與子俱憑高馭天
風遊覽周八區

題周懷中家景圖

群山列屏障秀色凌太空繞山有清溪流水平河溶溶岸
柳帶煙綠溪蓮映波紅彷彿瀟溪上芳草紛茸茸對此
聊自適颯然來清風爲君發高詠此興無終窮



武功成賜勲爵獨步金鷄膺寵渥石室紬書多筆削夜
看奎星動寥廓萬丈文光照山嶽

胡貞婦歌

陰風獵獵吹秋草寒雲盡覆城邊道城頭落日動鼓聲
孀婦哭聲聲更悲憶昔良人當遠徙驅馳只願同生死
朱顏未老竟孀居可憐命薄應如此仰天大慟腸肝裂
雙淚橫流盡成血孤嫠不願一身存絕食寧捐三寸舌
從容引訣意自如聞者痛悼長歎歎古戍蕭條殘角起
寒月欲墜窮猿呼夜深恍惚見精魄萬里悲懷歸未得
蒼天慘淡若有情野日荒涼黯無色昔年疏落誰孤兒

昨者負骨來東歸高墳嵯峨環碧水松栢偃蹇凌古祠
祠前鴻啼山寂寂時有行跡看落刻嗚呼貞婦死不朽
世上紛紜徒白首

畫虎歌

趙生畫虎世所無今日始得觀此圖空山蕭條百草枯
天寒一虎怒且呼雙睛欲搖電光赤牙如利刀爪如戟
揚威吐舌意自雄長風吹上撼危石山中有獸皆悲鳴
但恐饑餓相吞并林深藜藿誰求採谷靜白日無人行
誰能彎弓挾長矢爲我一發令虎死殞傷生意雖可怜
祛剪暴物人皆喜嗟哉暴物古亦多貪吏如虎嚴且苛

從來羅網不能盡細觀茲圖將奈何

畫牛歌

高原沃野春草青牧童騎牛原上行
淡烟溟濛初雨歇
千樹萬樹輶轡鳴蒼蒼風景自朝暮
爾欲鞭之向何處
牽車誰惜道路遙破敵曾經征戰苦
今逢歲稔民不饑
力無所用身更肥平沙淺水足憇一似苑林春畫時

清風軒歌

都城樓臺十萬家家競種桃李花
沈郎雅志出流俗
昨者開軒惟種竹誰言此土竹不宜
移根只在西山陟
滋培多藉雨露浹挺拔不受風霜欺
初來數竿亦蕭洒

終日相看豈能舍近時新翠皆拂雲已有繁陰蔽炎夏
淡烟溟濛春雨晴但覺颯颯涼風生飛泉遙從萬壑瀉
靈籟尽向中天鳴聽之自可清心耳蒲座蕭森來爽氣
硯池曉色涵清漪書幌寒光搖翡翠相看已覺塵慮忘
恍若七澤連三湘長竿未可隨烟水密葉終須巢鳳凰
我生愛竹真成癖此意世人那解得便當開筵招我遊
與君對竹爲三益

陳所翁墨龍歌

所翁畫龍稱絕藝真跡流傳人所秘此圖忽覺在眼前
看來便有飛騰勢想當昔者下筆時黑霧慘淡陰雲垂

淋漓直與元氣會倏忽變化皆天機白波如山起空外
頭角崢嶸露光采盤迴不獨在深淵鼓舞徐看舊滄海
沙飛石走勢不休紫電掣影橫中流龜鼉歛跡蛟蜃遁
陽侯欲避天吳愁乃知神物靈莫測世人欲見應難得
曾聞化劍躍鐔津謾說飛梭出雷澤所翁會意能通神
平生喜爲龍馮真古稱妙手張與葉此畫奇絕應堪倫
掛之高堂君試觀瓜甲猶能攫雲霧慎物令人更點精
夜深穿壁知何處

題陳璉憲使所畫山水歌并書以寄

滁陽太守頭已白今作外臺驛馬客平生最妙畫與詩

名譽不減唐王維此圖妙絕忽在眼半幅生綃意無限
上有巉岩萬疊峯下有縈迴千丈澗客齋長含太古色
澗水微澄遠天碧林深路轉何處村髣髴人家在阡陌
鳥啼花落秋復春野橋草長連柴門經年車馬應不到
盡日鶯喧那得聞長江三峽奔且流巫山十二橫萬秋
別來已近二十載忽見此畫心悠悠臺端畫永清如水
蒲座高山走雲氣安得爲我發天機更寫長江千里意

趙魏公畫馬歌

魏公戲筆多畫馬筆法從來勝曹霸忽然見此兩馬圖
魏公妙筆知無價一馬白色一馬玄氣色慘淡含風烟

長鳴奮鬣踉且齧奚官欲鞭不敢前昂藏八尺如龍勢
鳬臆開張尾垂地未駭先看汗流血乍騰已覺天風起
昔我攬轡度陰山六月飛雪飄征鞍殘胡迅掃今已盡
神駿無事歸天閑房星照夜光如練披圖恍惚看飛電
自信猶堪萬里途時平應喜無征戰

郭純畫鶴歌

昔年畫鶴妙入神薛公遺墨世所珍後來作者多意態
豈能爲寫青田真近時邊家稱絕藝粉墨淋漓多古意
此圖忽覺在眼前郭生妙筆嗟奇異喬松千歲枝已枯
龍鱗剝落半有無枝頭雙鶴相並立似欲相顧仍相呼

丹砂爲頂雪作羽淡抹玄裳更清素縹緲秋空一片雲
長留絕壑孤松樹層霄湛湛露氣清尚想振翮凌青冥
瑤池萬里霜華冷赤壁孤舟殘月明誰能跨尔尋仙子
閑坐緱山月明裏題詩不覺惆悵多九臯聲斷天風起

雲松軒歌

余將軍氣如虎少年好文仍好武別却雲松舊隱居仗
劍辛勤事明主弯弓走馬膽氣雄獨行射虎南山中曾
隨上將平驕虜一身百戰當先鋒功成不矜人所愛迹
來作官三十載太平無事官亦閑風流文雅依然在別
向城南開小軒市遠不聞車馬喧謾種青松如舊日還

睇白雲思故園故園遙隔巴江水風雨烟波幾千里望
中縹緲雲氣來座上微茫翠濤起將軍對此獨有情心
如鐵石髮如星天寒草木皆搖落軒前松樹猶青青

商山四皓圖

吾聞商山四老人乃是秦世之遺民一朝遁入山中去
何事終身甘隱淪是時秦皇御寰宇法令煩苛暴如虎
儒生既坑六籍焚黔首悲愁盈道路渭川東遠咸陽城
流水猶如帶哭聲偉哉四老乃何似有若鴻鵠凌青冥
長松落落瑤草綠亂石蒼蒼滿幽谷採芝一曲意悠然
不管人間榮與辱漢家書幣遠相招忽覩衣冠來入朝

皇儲既定還山荷葉許安能事帝堯丈夫全身保名德
四老高風那可得看圖而望意無窮箇山雲外千峯碧

摘井圖

桂陽之山摩蒼穹秀若萬疊青芙蓉昔時隱者蘓仙公
千二百歲顏如童結廬山中深幾重庭中摘樹何青葱
根頭鑿井靈氣鍾泉流深與江海通上有枝葉紛蒙茸
下有變化之蛟龍四時玄雲彌太空陰覆石甃寒如冬
鑑光澄徹黛色濃絕勝玉檻雙梧桐仙公妙術那能窮
摘摘之枝投泉中飲者一勺疾可救平生濟世多陰功
忽然飛步凌高峰青鸞白鶴紛相從翱翔萬里超鴻濛

至今仙井留遺蹤翠葉密覆蒼苔封顧卽貌偉神氣融
學仙冀與仙人逢謾託毫素怡心胸明當問道凌崆峒
引泉種橘神化工再與世上獲疲癯

丘氏三節祠

苕溪之水日東注驚波渺渺無人渡嗟哉丘家嫂與姑
同時死在波清處伊昔无季兵戈興四郊豺虎何縱橫
貪饒無厭肆吞噬老稚驚奔無處避可憐此嫂與二姑
驅片匄匄登長途仰天大慟淚流血誓欲全軀守貞潔
行行把袂奔且馳嫂躍入水姑繼之九淵瀰漫奮身入
貞魄下訴馮夷泣雲霧黯慘天無光蛟龍悲吟白浪立

世稱三節近所無
不減人間烈丈夫
至今明月清秋夜
影照溪水猶模糊
鵝呼溪水湯湯去
不息行人過者爲
悼惜從來節義可
感人作詩擬刻苔
溪石

送吳太僕還滁州

廣陽城頭風淅淅
城上何人曉吹笛
落梅殘雪思無窮
且酌芳尊送行客
客行南望滁陽山
歸心只在白雲間
少年作官愛山水
世上幾人如此閑
楊柳春深徧郊野
首藉秋高散宛馬
昨來入覲九重天
今日辭歸雙闕下
悠悠別思將奈何
離筵更起爲君歌
酒闌歌罷倍惆悵
君行幾日到淮河
河邊見月應回首
客舍思君情更多

送彭秀才從大將軍英公征夷並

春雲欲雨半成雪
瘴風吹衣冷如鐵
平明師出將軍行
城頭風高鼓微咽
將軍自著膽氣豪
身經百戰不辭勞
前年破賊征南交
奏凱歸來功最高
去年從征斬驕虜
今年又向南交去
幕中賓從多賢良
帳下諸軍盡貔虎
彭生本是西江人
少年今作幕中賓
拂衣仗劍來別我
慷慨南行思致身
畫舫紅樓照江中
流放歌北風起
魚龍吹浪度三江
旌旆連雲亘千里
炎州到日暮春餘
銅柱山高有故墟
金戈鐵馬經行處
瘴雨蠻烟盡掃除
榕陰滿地花開遍
遠人垂觀將軍面
冷面聲如鍾詞客

詩眼如電知君際遇在斯時會見功成日下歸人生
福貴須身致豈作江南老布衣

夜過徐州 永樂癸亥三月二十三日薄暮上呂
梁夜三鼓過蒲步洪泛舟彭城之下因思東坡守
彭城時王定國與顏長道吹笛泛月於此坡乃著
羽衣登黃樓相望木末笑以爲此樂世間所無追思
往昔慨然賦此呈同行諸公

廬山盤盤擁孤城城頭鼓角深夜鳴遙空無雲淨如洗
河漢皎皎風冷冷遙看泗水來天際流入長洪碧波起
驚奔倒瀉亂石開孤明搖光在波裏月光不隨波浪沉

混漾清輝照我心
虛明已覺慮寂悵
望那知暮夜深微
茫前洲野火滅
獨有漁人唱明月
放舟欲去不可尋
淺水桃花隔林樾
迢迢幽興亦何長
遠猶遠在天一方
祇將孤琴寄山水
更和一曲歌滄浪
須臾逆棹入平渚
泛輕鷗片帆度
汀蘭岸芷散餘香
烏帽羅衫濕清露
慨思昔人曾此遊
畫舫載酒若爲愁
羽衣獨立黃樓夜
玉笛橫吹遠浦秋
山川風景猶如昨
今我重來胡不樂
但悲樓空昔人去
幾度花開與花落
花落花開自可憐
水亦東流去不還
幽懷渺渺徒爲爾
重向舟中對月眠

玩藻軒歌爲鍾鼎賦

幽溪深深生紫藻鍾郎見藻心獨好藻生溪中何益
藻莖翠絲如有情不隨蒲柳同凋落豈似流萍但飄泊
參差差差浮且沉裊裊紛紛入浪深只疑下是蛟人宅
玉縷冰綃密如織分明亂影在中流一泓清冷涵素秋
有時人逐連漪舞搖曳晴光風起處請君看此意若何
細紋疊疊生迴波爲君採擷盈筐篚更可薦修清廟裏
古人玩物非玩奇今人此理那能知鍾郎適意乃獨得
濯濯中心應潔白蔚然文藻何所施五采行將盡衰衣
湓城過鴈歌送蕭使君

潯陽菱蕨百丈城城頭江流日夜聲北風吹渡南來鴈

江關天高悲且鳴
數行群飛來復去
幾聲嘹亂如相語
衰柳殘蘆過雨時
商人漁子停舟處
烟波極浦何茫茫
誰抱琵琶空斷腸
夜深惟有江邊月
照影聽翻去路長
君行遠赴三湘地
雲水飄揚二千里
路到衡陽鴈却回
煩君早寄相思字

賜觀燈午門應制

金門九重凌紫霄
春陽初融雪半消
神鰲戴山鬱嵒峩
一夜飛出滄溟潮
上駕垂虹千丈橋
去天應無咫尺遙
珊瑚玉樹秀且喬
珠毬如星綴萬條
五采間錯黃金插
織女之錦蛟人綃
幼作舞鶴翔輕颺
戲引翡翠巢蘭苕

鋪以金王藍田瑤函機巧不雕琢中有寶炬州光輝
頌如祝融輝赤燦翕赫瑞氣凌玄枵影與璧月流清霄
大容洪崖相招邀飛輪乘風何飄飄顧盼靈耀雙吹簫
忽聞鳴鑾揚玉鐻仙蹕乍警無喧囂大開丹闕諸候朝
文有瓊奩武嫖姚白璧爲珮金爲貂仗前觀光戎與猱
俯伏悚息安敢驕看呈舞隊捷且趨就中得雋揚錦幖
吹笙伐鼓歌舞嬌賜醕先令及百僚葡萄香馥碧玉瓢
醉歌湛露望斗杓萬里澄徹無氣妖老翁戴白兒垂髫
舉手齊效康衢謠小臣幸得聆威韶傳柑再拜恩意饒
永頌

聖德如軒堯天長地久玉燭調

題韓滉畫田家移居圖

晉公磊落真才賢出入相將三十年平生最善畫與畫
不在張顛鄭虔下世間墨跡人所珍購之豈惜金價
忽觀此畫誠絕奇偶出田舍移居時天寒草木搖落盡
萬里漠漠孤雲飛一翁前行曳黃耳一翁奔馳最後在
其間兩婦形容枯策蹇騎牛行復止旁邊短髮嬌癡兒
還驅小犢相追隨閨門老稚五六口匍匐道路何將之
從來田家最辛苦把耒耕耘種禾黍秋成僅可給朝餬
歲歉寧能足租賦况當值元戰伐餘豈但宮市窮錙銖

四郊豹虎猶啖食石萬黔首皆逃遁携家蒼皇去鄉里
畫中此態應無異揮酒聊擣慷慨情危疑敢達歲規意
嗟公清德誰能如豈不願墮疲癯甦當時陸贄若見此
請公更作齋風圖

溪山秋意圖

群山聳拔當晴空山色入畫如芙蓉烟飛霧歛萬壑淨
溪冰不溢波溶溶山迴峰轉溪橋路獨有孤舟橫遠渚
望中有藹不可窮地僻林深是何處九疑紫翠連三相
碧水渺渺山蒼蒼我曾鼓棹覽奇勝八月雨霽天風涼
別來此景今何似對畫難忘昔時意題詩轉覺秋興多

白雲一片家千里

臨高臺送錢僉事入關中

臨高臺何壯哉
滄海東注太行西來山川險固城關崔嵬
日月照耀星漢昭回曠視萬里無塵埃與公相逢且徘徊
臨高臺公欲去跨青駝持玉斧旌旆何翩翩西指秦關路
我欲留公公不住臨高臺與公別公何疾驅馬無歇
公有貞心勁如鐵鋒稜殪彼豺虎孽公之蒞政人所悅
臨高臺我思公寄公何所將折以南山松松枝四時色
不改後凋之操公與同願公長對賓之懷神中臨高臺
重相思望益遠公益馳公其重來諒有時朱衣白簡

華以輝進以華扶登玉墀與公聯步日委蛇登高蒲飲
黃金卮人生會合定有期何必臨岐嘆別離

欽和御製元女觀燈詩

永樂十三年

聖皇巍巍功德隆駕馭海內英與雄殲除群姦大統正
掃溥漠烟塵空續承

大祖萬世業朝政清肅功德宗光華昭灼際八表燦若日
出扶桑東追蹤唐堯及虞舜婉美夏后及殷宗諸夷稽
首悉款伏百辟祇謹思舊庸朝廷熙明俗皞皞郊野歌
頌聲泚泚上天大命益眷顧寶祚綿遠垂無窮聖心夙
夜愈謙抑加以兢惕兼憂冲廣開言路求至治屏斥不

肖旌有功憂民一念至深切視被鰥寡心所惻按時布
令秩有序况值元夕春和融移來仙山出紫禁千仞蒼
翠摩高穹宸遊對此錫歡宴嘉樂正與華夷同珠璣錯
落寶炬燦萬樹花照晴雲中輝煌偏助玉魄影燁煜不
籍丹霞紅旗旄綠仗紛隱映有若錦繡堆成叢歌鍾冷
泠發清響簫管嚶嚶吹天風良霄宴樂豈易得信是千
載明良逢宸章忽降自霄漢戒勵百職攄精忠贊詠
聖德深所願繪畫天地何能正求效蒿呼祝
萬歲更喜擊壤同三農仰瞻宮闕近北極河山壯麗逾鑑
豐嘉祥異瑞益駢集萬國鼓舞歡時雍

送少師建安楊公還鄉省墓

春城雨霽花正開城頭驛馬如雲來上公奉詔還故里
持盃餞公爲公喜當今正值唐虞時

聖主端拱垂裳衣經綸翊賛舊德番番國老非公誰勤
勞夙夜志匪懈敷歷已踰三十載視草長留玉署中論
兵魯度陰山外君臣會遇非偶然自古輔相皆英賢南
周伊呂作師尹功業赫無垠年公之德望冠當世功效
忠誠任三事昭宣治化底雍熙主聖臣良有如此銀鞍
駿馬青絲韁錦衣玉帶何輝光翩翩南行多喜氣鄉閭
父老遙相望白鶴山高白雲起爰祝蘋蘩肅成禮孝思

一念不可忘願公還朝勿留滯從來廟廊柱石不可無
况公眷遇恩最殊重來定在早秋候對菊再酌黃金壺
海天高興之圖爲王太守作時太守已故矣

東南大海不可窮涵雲沃日浮太空潮光或湧雪山白
蜃氣長

--	--	--	--	--	--	--	--	--	--

多古意空山天寒歲暮時忽見老樹花盈枝芳姿發味
自可愛點綴殘雪含清暉斜斜冉冉轉深夜靜窓外風明
見疎影恍若羅浮來玉人夢回尚攪天風冷鄭君自是
蓬萊仙對此清興何愁然開吹玉笛弄明月更和古調
彈朱絃慙慙索我爲題句我愛幽芳爲君賦却憶鄉園
久未歸萬里雲山細何處散韶老時便與君扶筇踏雪
尋故人泛舟直向江南去更寫西湖萬樹春

瑞鳥

瑞鳥出在神京表
寄祥韶韶輝張
煥金精化而
成形雪爲其膚
玉作翎整潔純
美師娉婷既
應祖孝桂

最靈匹哺其母獨有情鳴不競噪飛不驚巢高枝薄木
清啄瑤草資長生鷹隼階欽跡鳳凰來爲朋鷹機衝網
不敢嬰盛來琬籠鏤紫璫瑞鳥翱翔今在廷瑞鳥在廷
日輪之影同其晶煒於昭

聖主達孝純誠荷天之眷赫赫明明國以久安民物寧瑞
鳥之瑞信有徵嗟彼赤鷹神雀徒見稱

榮親堂詩

王宸伯受爲太同鎮撫初以舉武畧
善騎射而授是職宸從大將能奮勇敢勞勩

朝廷賜之誥命又推恩封宸之父宗紀官亦鎮撫
宗紀年高而康寧恩命所昇赫然光華人皆歆美

相與嘉其子之貴而顯及於親也名其所居之堂
曰榮親堂在金谿東溪之上王氏累世爲將臣宗
紀個儻有志子八人成其仲也成弟客習進士業
其家方盛大未艾也成請予賦榮親堂詩爲序其
畧而系之以詩

東溪高堂何巍巍堂中老親皆龐眉承家有子飽韜畧
官爲列校居邊陲

聖皇加恩及武將五色鸞誥頒龍墀老親再拜受封秩
頓覺喜氣生庭闈腰橫大帶衣錦繡戶列榮戟羅旌麾
開筵設鼓作大宴獻壽春酒傾金巵親榮子貴有如此聲

望顯赫昭明時勗哉忠孝更而盡斯堂百世無光耀